

بخاف جداً..

بخاف جداً..

بخاف أفضل أزق اليوم وما يعدّيش

واخاف استنى فيك ماتجيش

وتلمحني ما تلمحنيش.. سواء عندك

يكون ردك على شوقي (كما التمثال)

وشايف حُبي لعب عيال

واشوفك جنتي لكن..

تشوفني خيال!

بخاف اسمع كلام يتقال

يبين لي فنون صدك

بخاف أيوه..

بخاف جداً..

بخاف أرسم عينيك وأتوه

وانا قلبي الضعيف معتوه
مايعرفشي طريق العودة يبقى منين
باخاف جدًّا عليك م العين
وم التانيين
ومن كلمة تقولها غيري لجنابك
وروحك فجأة ليها تلين
باخاف والخوف بقى سكة
ما فيش فيها يوذي يمين
باخاف أيوه..
باخاف جدًّا..
أغيب باليوم وبالأسبوع
ماتتلهفش أي رجوع
ولا تسألشي عني في يوم
هاكلم عنك الأوراق

هاحسّ لو حدي كل فراق
و ثم هاجيب عليّ اللوم
عشان انا روحي ظالماني
بتيجي عليّ واصفي لك
وتجرحني وبنسى لك
وباسأل يومي عن حالك
ووقت ما اغيب بتنساني
فلازم قلبي هيعاني
عشان ما احناش بقى في جنة
دي حكمة ربنا إنه:
ماسواش الهوى بيننا
فانت تنام وتتهنى
وانا اللي أخاف
باخاف أيوه.. باخاف جدّا..